

**- UPRAVNI ODBOR -**

Broj: 02-23-2/23

Sarajevo, 20. 06. 2023. godine

Na osnovu člana 17. Zakona o javnim nabavkama („Službene novine BiH“, br. 39/14, 59/22), člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu, Upravni odbor Univerziteta u Sarajevu na prijedlog rektora Univerziteta u Sarajevu i dekana članica Univerziteta u Sarajevu koje su predmetom izmjena i dopuna Plana javnih nabavki integrisanog Univerziteta u Sarajevu za 2023. godinu, na 16. redovnoj sjednici, održanoj 20. 06. 2023. godine, donio *s l j e d e ć u*

ODLUKU

*o izmjeni i dopuni Plana javnih nabavki integrisanog Univerziteta u Sarajevu za 2023. godinu
broj: 02-14-4/23 od 28. 04. 2023. godine*

I

Usvaja se izmjena i dopuna Plana nabavki integrisanog Univerziteta u Sarajevu za 2023. godinu, utvrđena Odlukom Upravnog odbora Univerziteta u Sarajevu, broj: 02-14-4/23 od 28. 04. 2023. godine, kao u tabeli koja se nalazi u prilogu i čini sastavni dio ove Odluke.

II

Ova Odluka stupa na snagu danom donošenja, a biti će objavljena i na Portalu javnih nabavki, odmah po donošenju.

Obrazloženje

Upravni odbor Univerziteta u Sarajevu je Odlukom broj: 02-14-4/23 od 28. 04. 2023. godine, usvojio Plan javnih nabavki integrisanog Univerziteta u Sarajevu za 2023. godinu.

Tačkom VI navedene Odluke utvrđuje se da posebnu odluku o izmjeni ili dopuni plana javnih nabavki za nabavke, čija pojedinačna procijenjena vrijednost prelazi iznos utvrđen Statutom Univerziteta u Sarajevu, za čije korištenje je ovlašten rektor Univerziteta u Sarajevu/rukovodilac članice, na njihov prijedlog, donosi Upravni odbor Univerziteta u Sarajevu. S tim u vezi na prijedlog članice Univerziteta u Sarajevu – Rektorata, Univerziteta u Sarajevu – Ekonomskog fakulteta, Univerziteta u Sarajevu – Građevinskog fakulteta i Univerziteta u Sarajevu – Šumarskog fakulteta za izmjenu i dopunu Plana javnih nabavki integrisanog Univerziteta u Sarajevu za 2023. godinu, rektor Univerziteta u Sarajevu i dekani navedenih članica Univerziteta u Sarajevu, predlažu Upravnom odboru Univerziteta u Sarajevu donošenje Odluke navedene u dispozitivu. U skladu sa ukazanim potrebama Rektorata, a na osnovu zahtjeva Ministarstva za odgoj i obrazovanje Kantona Sarajevo za realizaciju nastavka projekata Unapređenje i održavanje informacionog sistema EMIS

potrebno je izvršiti proceduru nabavke usluga, a u cilju implementacije istih. Sredstva za realizaciju navedenih usluga bit će finansirana od strane Ministarstva za odgoj i obrazovanje Kantona Sarajevo.

Na osnovu ukazane potrebe Univerziteta u Sarajevu – Ekonomskog fakulteta potrebna je izmjena procijenjene vrijednosti za nabavku Softvera za unapređenje sistema za elektronske kartice, radi tehničke greške Univerziteta u Sarajevu – Ekonomskog fakulteta pri utvrđivanju procijenjene vrijednosti. Pored naprijed navedenog, Univerzitet u Sarajevu – Ekonomski fakultet predlaže i dopunu u dijelu građevinskih, mašinskih i elektro – radova na rekonstrukciji i investicionom održavanju zgrade u ulici Trg oslobođenja – Alija Izetbegović br. 1, po osnovu osnovu odobrenih kreditnih sredstava od strane Kantona Sarajevo.

U dijelu Univerziteta u Sarajevu – Građevinskog fakulteta povećava se procijenjena vrijednost nabavke nakon utvrđivanja procijenjene vrijednosti za konstruktivnu i energetska sanaciju krova objekta.

Nadalje, na osnovu ukazane potrebe Univerziteta u Sarajevu – Šumarskog fakulteta, umanjuje se procijenjena vrijednost građevinskih radova, za iznos koji će se koristiti za finansiranje nadzora nad građevinskim radovima.

Također, konstatira se da članice Univerziteta u Sarajevu u postupku nabavke samostalno pripremaju tendersku dokumentaciju, provode postupak javne nabavke i snose odgovornost za provedene postupke i donesene odluke.

U odnosu na naprijed navedeno, a imajući u vidu nastale potrebe Univerziteta u Sarajevu za nabavkama koje se nisu mogle predvidjeti u vrijeme donošenja Plana nabavki integriranog Univerziteta u Sarajevu za 2023. godinu, utvrđene su izmjene i dopune Plana nabavki Univerziteta u Sarajevu za 2023. godinu. Cijeneći navedeno, odlučeno je kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Rukovodiocima članica, predlagačima izmjena i dopuna
- Predsjedniku i članovima Upravnog odbora Univerziteta u Sarajevu
- Jedinica za internu reviziju
- Generalni sekretar
- Služba za plan i analizu
- Služba za javne nabavke
- Služba za računovodstvo i finansije
- U dokumentaciju Upravnog odbora
- Internet stranica
- a/a

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>

[email: javnost@unsa.ba](mailto:javnost@unsa.ba)

IZMJENA I DOPUNA PLANA JAVNIH NABAVKI INTEGRISANOG UNIVERZITETA ZA 2023. GODINU (PRIJEDLOG)													
R.br	Izmjena/ dopuna Plana nabavki od 20.06.2023. N-novo P-promjena B-brisano	Naziv predmeta nabavke	Oznaka JRJN (CPV)	Procijenjen a vrijednost KM bez PDV-a Plan nabavki od 28.04.2023.	Procijenjena vrijednost Izmjene/dop une Plana nabavki od 20.06.2023. KM bez PDV- a	Vrsta postupka	Predviđa se dodjela ugovora/ OS/nagrad e	Okrivni datum pokretanja postupka	Period trajanja ugovora / okvirnog sporazuma (broj mjeseci)	Pozicija u finansijsko m planu (konto)	Izvor finansiranja	Predmet se dijeli na lotove (Da/Ne)	Napomena
ROBE													
Robe - provodi Ekonomski fakultet													
20.	P-promjena	Softver-unapređenje sistema za elektronske kartice	72210000-0	550.000,00	55.000,00	1	Ugovor	10.07.2023.	Do realizacije	821500	10, 20, 40, 50	Ne	
USLUGE													
Usluge - provodi Rektorat													
129.	N-novo	Unapređenje i održavanje informacionog sistema EMIS	72212190-7 72267000-4	0,00	132.000,00	1	Ugovor	03.07.2023.	po potrebi	821500	10	Ne	Projekat EMIS- Ministarstvo za odgoj i obrazovanje Kantona Sarajevo
RADOVI													
RADOVI - provodi Građevinski fakultet													
1.	P-promjena	Radovi na krovu i drugi posebni građevinski završni radovi	45260000-7	60.000,00	100.000,00	1	Ugovor	01.07.2023.	po potrebi	821600	20, 50	Ne	
RADOVI - provodi Šumarski fakultet													
2.	P-promjena	Građevinski radovi	45000000-7	416.158,00	403.337,50	1	Ugovor	29.06.2023.	31.12.2023.	821600	20, 60	Ne	

Vrsta postupka

- 1 - Otvoreni postupak
- 2 - Ograničeni postupak

Izvor finansiranja:

- 10 - Budžetska sredstva
- 20 - Vlastiti prihodi
- 30 - Namjenska sredstva
- 40 - Donacije
- 50 - Transferi
- 60 - Primici
- 7 - Konkurentski zahtjev za dostavljanje ponuda
- 8 - Direktni sporazum



b) IZMJENA I DOPUNA PLANA JAVNIH NABAVKI INTEGRISANOG UNIVERZITETA ZA 2023. GODINU (PRIJEDLOG)												
R.b)	Izmjena/ dopuna Plana nabavki od 20.06.2023. N-novo P-promjena B-brisano	Naziv predmeta nabavke	Oznaka JRJN (CPV)	Procijenjen a vrijednost KM bez PDV-a Plan nabavki od 28.04.2023. 20.06.2023. KM bez PDV-a	Procijenjena vrijednost Izmjene/dop une Plana nabavki od 20.06.2023. KM bez PDV-a	Vrsta postupka	Predviđ a se dodjela ugovora/ OS/nagr ade	Okvirni datum pokretanja postupka	Period trajanja ugovora / okvirnog sporazum a (broj mjeseci)	Pozicija u Izvor finansijsk finansira nja (konto)	Predmet se dijeli na lotove (Da/Ne)	Napome na
RADOVI												
RADOVI - provodi Ekonomski fakultet												
2.	N-novo	Građevinski, mašinski i elektro radovi na rekonstrukciji i investicionom održavanju zgrade u ul. Trg oslobođenja- Alija Izetbegović br. 1	45000000-7 45351000-2 45310000-3	0,00	1.843.661,54	1	Okvirni sporazum	Juni 2023.	12 mjeseci	821600	60	Da

Vrsta postupka

- 1 - Otvoreni postupak
2 - Ograničeni postupak
3 - Pregovarački postupak sa objavom obavještenja
4 - Pregovarački postupak bez objave obavještenja
5 - Konkurs za izradu idejnog rješenja
6 - Takmičarski dijalog
7 - Konkurentski zahtjev za dostavljanje ponuda
8 - Direktni sporazum

Izvor finansiranja:

- 10 - Budžetska sredstva
20 - Vlastiti prihodi
30 - Namjenska sredstva
40 - Donacije
50 - Transferi
60 - Prizici

**PREDSJEDNIK
UPRAVNOG ODBORA**

dr. sc. Murat Ramadanović



**-UPRAVNI ODBOR-**

Broj: 02-23-3/23

Sarajevo, 20. 06. 2023. godine

Na osnovu člana 59. stav (2) tačka b) Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, člana 37. stav (1) Poslovnika o radu Upravnog odbora Univerziteta u Sarajevu i uz Mišljenje odbora za normativna pitanja Univerziteta u Sarajevu broj: 0105-5163-2/23 od 19. 05. 2023. godine, na prijedlog Vijeća Univerziteta u Sarajevu – Muzičke akademije, broj: 02-1-293/2-23 od 26. 04. 2023. godine, Upravni odbor Univerziteta u Sarajevu je, na 16. redovnoj sjednici održanoj dana 20. 06. 2023. godine, donio *s l j e d e ć u*

ODLUKU**I**

Donosi se Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu – Muzičkoj akademiji broj: 02-18-18-1/21 od 10. 05. 2021. godine, broj: 02-1-803/5-21 od 17. 11. 2021. godine i broj: 02-1-1079/3-22 od 14. 12. 2022. godine.

II

Pravilnik o izmjenama i dopunama Pravilnika iz tačke I čini sastavni dio ove Odluke.

III

Ova Odluka stupa na snagu danom donošenja.

Dostaviti:

- Rektor Univerziteta u Sarajevu
- Univerzitetu u Sarajevu – Muzičkoj akademiji
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Internet stranica
- Arhiva



**PREDSJEDNIK
UPRAVNOG ODBORA**

Dr. sc. Murat Ramadanović

~~Na osnovu člana 118. Zakona o radu („Službene novine Federacije BiH“, broj 26/16 i 89/18), člana 59. stav (2) tačka b) Zakona o visokom obrazovanju („Službene novine Kantona Sarajevo“, broj 36/22), člana 55. stav (1) tačka b), u skladu sa članom 117. stav (2) Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu – Muzičke akademije, broj: 02-18-18-1/21 od 10. 05. 2021. godine, broj: 02-1-803/5-21 od 17. 11. 2021. godine i broj: 02-1-1079/3-22 od 14. 12. 2022. godine, na prijedlog Vijeća Univerziteta u Sarajevu – Muzičke akademije, broj: 02-1-293/2-23 od 26. 04. 2023. godine, uz prethodno Mišljenje odbora za normativna pitanja Univerziteta u Sarajevu broj: 0105-5163-2/23 od 19. 05. 2023. godine, Upravni odbor Univerziteta u Sarajevu na 16. sjednici održanoj 20. 06. 2023. godine, donio je~~

**PRAVILNIK
O IZMJENI I DOPUNI PRAVILNIKA O UNUTRAŠNJOJ ORGANIZACIJI I
SISTEMATIZACIJI RADNIH MJESTA UNIVERZITETA U SARAJEVU –
MUZIČKE AKADEMIJE**

Član 1.

U Pravilniku o unutrašnjoj organizaciji i sistematizaciji radnih mjesta na Univerzitetu u Sarajevu – Muzičkoj akademiji broj: 02-18-18-1/21 od 10. 05. 2021. godine, broj: 02-1-803/5-21 od 17. 11. 2021. godine i broj: 02-1-1079/3-22 od 14. 12. 2022. godine (dalje u tekstu: Pravilnik), član 26. mijenja se i sada glasi:

*„Član 26.
(Prodekani)*

- (1) Akademija ima četiri prodekana iz reda akademskog osoblja i jednog studenta prodekana i to:
- a) prodekan za nastavu
 - b) prodekan za koncertnu djelatnost
 - c) prodekan za međunarodnu suradnju
 - d) prodekan za finansije
 - e) student prodekan za studentska pitanja“

Član 2.

Iza dosadašnjeg člana 29. Pravilnika dodaje se novi član 29a. koji glasi:

*„Član 29a.
(Djelokrug rada prodekana za finansije)*

„Prodekana za finansije obavlja sljedeće poslove:

- prati realizaciju finansijskog plana Akademije;

- učestvuje u izradi finansijskih zahtjeva, prijedloga finansijskih planova i izvještaja o finansijskom poslovanju Akademije;
- učestvuje u izradi plana nabavki Akademije;
- predlaže mjere za unaprijeđenje finansijskog poslovanja Akademije;
- učestvuje u izradi plana investicija Akademije;
- učestvuje u izradi izvještaja o radu Akademije;
- prati objave javnih poziva za finansiranje javne djelatnosti Akademije i infrastrukturnih projekata, te priprema aplikacije i prati realizaciju istih;
- obavlja i druge poslove po nalogu dekana.“

Član 3.

Pravilnik o izmjeni i dopuni Pravilnika stupa na snagu osmog dana od dana objave na internet stranici Univerziteta u Sarajevu – Muzičke akademije i Univerziteta u Sarajevu.



**PREDSJEDNIK
UPRAVNOG ODBORA**

Dr. sc. Murat Ramadanović



Broj: 02-23-3-1/23

Datum: 20. 06. 2023. godine

**-UPRAVNI ODBOR-**

Broj: 02-23-4/23

Sarajevo, 20. 06. 2023. godine

Na osnovu člana 59. stav (2) tačka b) Zakona o visokom obrazovanju („Sl. novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, člana 37. stav (2) Poslovnika o radu Upravnog odbora Univerziteta u Sarajevu i uz Mišljenje Odbora za normativna pitanja Univerziteta u Sarajevu, broj: 0105-5163-3/23 od 19. 05. 2023. godine, na prijedlog Vijeća Univerziteta u Sarajevu – Elektrotehničkog fakulteta, broj: 01-966/23 od 03. 04. 2023. godine, Upravni odbor Univerziteta u Sarajevu je, na 16. redovnoj sjednici održanoj dana 20. 06. 2023. godine, donio *s l j e d e ć i*

ZAKLJUČAK

1. Prijedlog Pravilnika o izmjeni i dopuni Pravilnika o unutrašnjoj organizaciji i sistematizaciji radnih mjesta, broj 02-18-6-1/21 od dana 20. 05. 2021. godine *se vraća* Univerzitetu u Sarajevu – Elektrotehničkom fakultetu na nomotehničko usklađivanje, uz obaveznu primjenu pravila za izradu propisa.
2. Naznačava se da se Pravilnikom iz tačka 1. ovog Zaključka predlaže izmjena i dopuna više od 50% članova osnovnog Pravilnika, te bi se u tom slučaju, shodno pravilima za izradu propisa, trebalo pristupiti donošenju novog pravilnika.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Univerzitetu u Sarajevu – Elektrotehničkom fakultetu
- Rektoratu Univerziteta u Sarajevu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Arhiva

**-UPRAVNI ODBOR-**

Broj: 02-23-5/23

Sarajevo, 20. 06. 2023. godine

Na osnovu člana 59. stav (2) tačka b) Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, člana 37. stav (1) Poslovnika o radu Upravnog odbora Univerziteta u Sarajevu i uz Mišljenje Odbora za normativna pitanja Univerziteta u Sarajevu broj: 0105-6533-2/23 od 19. 06. 2023. godine, na prijedlog Vijeća Univerziteta u Sarajevu – Prirodno-matematičkog fakulteta, broj: 01/06-1033, 837/3-2023 od 01. 06. 2023. godine, Upravni odbor Univerziteta u Sarajevu je, na 16. redovnoj sjednici održanoj dana 20. 06. 2023. godine, donio *s l j e d e ć u*

ODLUKU**I**

Donosi se Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu – Prirodno-matematičkom fakultetu, broj: 02-18-21-1/21 od 20. 05. 2021. godine.

II

Pravilnik o izmjenama i dopunama Pravilnika iz tačke I čini sastavni dio ove Odluke.

III

Ova Odluka stupa na snagu danom donošenja.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Prirodno-matematičkom fakultetu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Internet stranica
- Arhiva

**-UPRAVNI ODBOR-**

Broj: 02-23-6/23

Sarajevo, 20. 06. 2023. godine

Na osnovu člana 59. stav (2) tačka b) Zakona o visokom obrazovanju („Sl. novine Kantona Sarajevo“, broj: 36/22), člana 55. Statuta Univerziteta u Sarajevu sa pratećim izmjenama i dopunama i člana 37. stav (2) Poslovnika o radu Upravnog odbora Univerziteta u Sarajevu, razmatrajući prijedloge vijeća članica Univerziteta u Sarajevu o izmjenama i dopunama općih akata o unutrašnjoj organizaciji i sistematizaciji radnih mjesta i ocjeni usklađenosti istih sa metodološko-nomotehničkim pravilima izrade propisa, Upravni odbor Univerziteta u Sarajevu je na 16. redovnoj sjednici održanoj dana 20. 06. 2023. godine, donio *s l j e d e ć i*

Z A K L J U Č A K

Obavezuje se Odbor za normativna pitanja Univerziteta u Sarajevu, kao stručno i savjetodavno tijelo, da prilikom davanja mišljenja na prijedloge općih akata Univerziteta u Sarajevu i članica, odnosno prijedloge izmjena i dopuna istih, daju posebnu ocjenu usklađenosti ovih akata u odnosu na Pravila i postupke za izradu zakona i drugih propisa u Federaciji Bosni i Hercegovini.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Predsjedniku Odbora za normativna pitanja Univerziteta u Sarajevu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Arhiva

**-UPRAVNI ODBOR-**

Broj: 02-23-7/23

Sarajevo, 20. 06. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, a u vezi sa članom 3. tačka b) i članom 10. stav (3) Pravilnika o zakupu prostora na Univerziteta u Sarajevu (prečišćeni tekst) broj: 02-10-9-1/21 od 18. 03. 2021. godine i članom 37. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu, na 16. redovnoj sjednici održanoj dana 20. 06. 2023. godine, donio je *s l j e d e ć u*

O D L U K U**I**

Daje se **saglasnost** za zaključenje Ugovora o zakupu poslovnog prostora u okviru članice, Univerziteta u Sarajevu – Prirodno-matematičkog fakulteta u kojem se na strani zakupodavca javlja Univerzitet u Sarajevu – Prirodno-matematički fakultet, a na strani zakupoprimca – **MBA CENTAR d.o.o.**

II

Predmet zakupa je poslovni prostor koji se nalazi u objektu Univerziteta u Sarajevu – Prirodno – matematičkog fakulteta na adresi ul. Zmaja od Bosne br. 35, ukupne površine 54,5 m².

III

Mjesečna zakupnina prema Ugovoru iz tačke I ove Odluke iznosi 12,00 KM po m² bez PDV-a, u ukupnom iznosu 654,00 KM (slovima: šeststotinapedesetčetiri konvertibilnemarka).

IV

Ugovor o zakupu poslovnog prostora iz tačke I ove Odluke se zaključuje na period od 3 (tri) godine, počevši od datuma potpisivanja predmetnog Ugovora.

V

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je, posredstvom Centralne komisije za poslovne prostore Univerziteta u Sarajevu, rektor Univerziteta u Sarajevu dostavio Izvještaj o izboru najpovoljnijeg ponuđača i Prijedlog Ugovora o zakupu poslovnih prostora u okviru članice – Univerziteta u Sarajevu – Prirodno-matematičkog fakulteta u kojem se na strani zakupodavca javlja Univerzitet u Sarajevu, a na strani zakupoprimca MBA Centar d.o.o.

Predmet zakupa je poslovni prostor koji se nalazi u objektu Univerziteta u Sarajevu – Prirodno – matematičkog fakulteta na adresi ul. Zmaja od Bosne br. 35, ukupne površine 54,5 m². Isti će se zaključiti u trajanju od 3 (tri) godine.

Imenovani ponuđač je izabran na osnovu Prijedloga Komisije za zakup poslovnih prostora Univerziteta u Sarajevu – Prirodno-matematičkog fakulteta, datog na Zapisnik o otvaranju ponuda prispjelih po javnom oglasu za prikupljanje ponuda za izdavanje u zakup poslovnog prostora, broj: 01/01-792/3-2023 od 28. 04. 2023. godine.

Cijeneći prijedlog Komisije za poslovne prostore Univerziteta u Sarajevu – Prirodno-matematičkog fakulteta, te stav Centralne komisije za poslovne prostore Univerziteta u Sarajevu, rektor Univerziteta u Sarajevu je donio Odluku o izboru najpovoljnijeg ponuđača.

U odnosu na naznačeno, prije zaključivanja Ugovora o zakupu poslovnog prostora između Univerziteta i odabranog ponuđača, Upravni odbor Univerziteta u Sarajevu daje saglasnost na predmetni ugovor.

Cijeneći navedeno, donesena je odluka kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor Univerziteta u Sarajevu
- Univerzitetu u Sarajevu – Prirodno-matematičkom fakultetu
- Centralnoj komisiji za zakup prostora Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Internom revizoru Univerziteta u Sarajevu
- Generalnom sekretaru Univerziteta u Sarajevu
- Službi za računovodstvo i finansije Univerziteta u Sarajevu
- U dokumentaciju Upravnog odbora Univerziteta u Sarajevu
- a/a

**-UPRAVNI ODBOR-**

Broj: 02-23-8/23

Sarajevo, 20. 06. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, a u vezi sa članom 3. tačka b) i članom 10. stav (3) Pravilnika o zakupu prostora na Univerziteta u Sarajevu (prečišćeni tekst) broj: 02-10-9-1/21 od 18. 03. 2021. godine i članom 37. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu, na 16. redovnoj sjednici održanoj dana 20. 06. 2023. godine, donio je *s l j e d e ć u*

O D L U K U**I**

Daje se **saglasnost** za zaključenje Ugovora o zakupu poslovnog prostora u okviru članice, Univerziteta u Sarajevu – Građevinskog fakulteta u kojem se na strani zakupodavca javlja Univerzitet u Sarajevu – Građevinski fakultet, a na strani zakupoprimca – **HBK d.o.o. Sarajevo**.

II

Predmet zakupa je poslovni prostor koji se nalazi u objektu Univerziteta u Sarajevu – Građevinskog fakulteta (suterenski dio objekta) tačnije u prostorijama Instituta za materijale i konstrukcije, adresa ul. Stjepana Tomića br. 5., površina prostorije iznosi 20,00 m².

III

Mjesečna zakupnina prema Ugovoru iz tačke I ove Odluke iznosi 15,00 KM po m² (cijena zakupnine i troškovi režija) u ukupnom iznosu od 300,00 KM (slovima: tristotine konvertibilnih maraka), bez PDV-a, odnosno 351,00 KM (slovima: tristotine pedeset jedna konvertibilna marka) sa PDV-om.

IV

Ugovor o zakupu poslovnog prostora iz tačke I ove Odluke se zaključuje na period od 3 (tri) godine, počevši od datuma potpisivanja predmetnog Ugovora.

V

Ova odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je, posredstvom Centralne komisije za poslovne prostore Univerziteta u Sarajevu, rektor Univerziteta u Sarajevu dostavio Izvještaj o izboru najpovoljnijeg ponuđača i Prijedlog Ugovora o zakupu poslovnih prostora u okviru članice –

Univerziteta u Sarajevu – Građevinskog fakulteta, u kojem se na strani zakupodavca javlja Univerzitet u Sarajevu, a na strani zakupoprincipa HBK d.o.o. Sarajevo.

Predmet zakupa je poslovni prostor koji se nalazi u objektu Univerziteta u Sarajevu – Građevinskog fakulteta (suterenski dio objekta) tačnije u prostorijama Instituta za materijale i konstrukcije, adresa ul. Stjepana Tomića br. 5., površina prostorije iznosi 20,00 m². Isti će se zaključiti u trajanju od 3 (tri) godine.

Imenovani ponuđač je izabran na osnovu Prijedloga Komisije za zakup poslovnih prostora Univerziteta u Sarajevu – Građevinskog fakulteta, datog na Zapisnik o otvaranju ponuda prispjelih po javnom oglasu za prikupljanje ponuda za izdavanje u zakup poslovnog prostora, broj: 04-1-1952-5/22 od 17. 04. 2023. godine.

Cijeneći prijedlog Komisije za poslovne prostore Univerziteta u Sarajevu – Građevinskog fakulteta, te stav Centralne komisije za poslovne prostore Univerziteta u Sarajevu, rektor Univerziteta u Sarajevu je donio Odluku o izboru najpovoljnijeg ponuđača.

U odnosu na naznačeno, prije zaključivanja Ugovora o zakupu poslovnog prostora između Univerziteta i odabranog ponuđača, Upravni odbor Univerziteta u Sarajevu daje saglasnost na predmetni ugovor.

Cijeneći navedeno, donesena je odluka kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Građevinskom fakultetu
- Centralnoj komisiji za zakup prostora Univerziteta u Sarajevu
- ✓ - Predsjedniku i članovima Upravnog odbora Univerziteta u Sarajevu
- Internom revizoru Univerziteta u Sarajevu
- Generalnom sekretaru Univerziteta u Sarajevu
- Službi za računovodstvo i finansije Univerziteta u Sarajevu
- U dokumentaciju Upravnog odbora Univerziteta u Sarajevu
- a/a

**-UPRAVNI ODBOR-**

Broj: 02-23-9/23

Sarajevo, 20. 06. 2023. godine

Na osnovu člana 59., a u vezi sa članom 10. i 38. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, člana 37. stav (1) Poslovnika o radu Upravnog odbora Univerziteta u Sarajevu, u skladu sa Odlukom Skupštine Kantona Sarajevo o davanju saglasnosti za zaključivanje Ugovora o kupoprodaji nekretnine, broj: 01-04-3824/23 od 08. 02. 2023. godine i Mišljenjem Pravobranilaštva Kantona Sarajevo o nacrtu Ugovora, broj: M-40/22 od 06. 06. 2022. godine, oslonom na Zahtjev dekanese Univerziteta u Sarajevu – Fakulteta zdravstvenih studija, prof. dr. Arzije Pašalić, Upravni odbor Univerziteta u Sarajevu, je na 16. redovnoj sjednici održanoj dana 20. 06. 2023. godine, donio *s l j e d e ć u*

O D L U K U**I**

Daje se **saglasnost** rektoru Univerziteta u Sarajevu, prof. dr. Rifatu Škrijelju za potpisivanje Ugovora o kupoprodaji nekretnine označene kao k.č. broj 22 Gradilište, k.o. SP_Sarajevo Mahala LXVIII, što po novom premjeru odgovora k.č. broj 2386/1, k.o. Sarajevo V, između Zavoda za izgradnju Kantona Sarajevo u svojstvu prodavca i Univerziteta u Sarajevu, u svojstvu kupca.

II

Daje se **saglasnost** dekanesi Univerziteta u Sarajevu – Fakulteta zdravstvenih studija, prof. dr. Arziji Pašalić za supotpisivanje Ugovora iz tačke I ove Odluke u svojstvu saglasne stranke.

III

Ugovor o kupoprodaji nekretnine iz tačke I čini sastavni dio ove Odluke.

IV

Ova Odluka stupa na snagu danom donošenja.

O b r a z l o ž e n j e

Upravnom odboru Univerziteta u Sarajevu je dostavljen Zahtjev od strane dekanese Univerziteta u Sarajevu – Fakulteta zdravstvenih studija, prof. dr. Arzije Pašalić sa pratećom dokumentacijom od 18. 05. 2023. godine, kojim se traži saglasnost za potpisivanje Ugovora o kupoprodaji nekretnine označene kao k.č. broj 22 Gradilište, k.o. SP_Sarajevo Mahala LXVIII, što po novom premjeru odgovora k.č. broj 2386/1, k.o. Sarajevo V, između Zavoda za izgradnju Kantona Sarajevo, kao prodavca, Univerziteta u Sarajevu, kao kupca i Univerziteta u Sarajevu – Fakulteta zdravstvenih studija kao saglasne stranke.

S tim u vezi, naznačava se da je Skupština Kantona Sarajevo na sjednici održanoj 08. 02. 2023. godine dala saglasnost na potpisivanje navedenog Ugovora.

Imajući u vidu nadležnosti Upravnog odbora, a vezujući se za odredbe Zakona o visokom obrazovanju Kantona Sarajevo kojim se utvrđuje da visokoškolska ustanova stiče imovinu, upravlja njome i koristi je u skladu sa zakonom, Upravni odbor je donio odluku kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor u Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Dekanasi Univerziteta u Sarajevu – Fakulteta zdravstvenih studija
- Direktorici Zavoda za izgradnju Kantona Sarajevo, putem Univerziteta u Sarajevu – Fakulteta zdravstvenih studija
- Generalnom sekretaru Univerziteta u Sarajevu
- Službi za upravljanje imovinom Univerziteta u Sarajevu
- Službi za pravne poslove Univerziteta u Sarajevu
- U dokumentaciju Upravnog odbora Univerziteta u Sarajevu
- a/a.

BOSNA I HERCEGOVINA
FEDERACIJA BOSNE I HERCEGOVINE
NOTAR
DRAGAN MILETIĆ
ILIDŽA

IZVORNIK

UGOVOR O KUPOPRODAJI NEKRETNINE

Dana ____02.2022. godine preda mnom, dolje potpisanim notarom Milić Draganom sa službenim sjedištem na Ilidži i poslovnim prostorijama u ul. Ibrahima Ljubovića br. 18, istovremeno su se obratili sa zahtjevom da notarski obradim njihove izjave volje: -----

ZAVOD ZA IZGRADNJU KANTONA SARAJEVO, sa sjedištem u Sarajevu, ul. Kaptol br.3, osnovan kao kantonalna samostalna upravna organizacija, odnosno Zakonom o ministarstvima i drugim organima uprave Kantona Sarajevo (Službene novine KS br.36/2021 i 1/2022) **zastupan po direktorici Barlov Belmi**, prema vlastitoj izjavi kći _____, rođena _____, sa prebivalištem u Sarajevu, ul. _____ br. _____, JMB _____, po zanimanju _____, čiji sam identitet utvrdio uvidom u ličnu kartu broj: _____ izdata od MUP KS, _____ dana _____, sa rokom važenja do _____, a čije sam svojstvo kao direktorice Zavoda utvrdio na osnovu Rješenja Vlade Kantona Sarajevo br.02-04-26678-17/21 od 01.07.2021.godine kojim se Barlov Belma imenuje za direktoricu Zavoda na period od 5 (pet) godina počevši od 05.07.2021.godine;-----

(u daljem tekstu: **Prodavac**);-----

UNIVERZITET U SARAJEVU, sa sjedištem u ul. Obala Kulina bana 7/II, Sarajevo, Centar, upisan u registru Općinskog suda u Sarajevu pod MBS: 65-05-0079-12 (stari broj 1-417), koga zastupa **rektor bez ograničenja ovlaštenja Škrijelj Rifat**, prema vlastitoj izjavi sin _____, rođen _____, sa prebivalištem u Sarajevu, ul. _____ br. _____, JMB _____, po zanimanju _____, čiji sam identitet utvrdio uvidom u ličnu kartu broj: _____ izdata od MUP KS, _____ dana _____, sa rokom važenja do _____. Prisutni predočava Rješenje o imenovanju rektora Univerziteta u Sarajevu za mandatni period 2020-2024.godine broj 01-16-13/20 od 02.07.2020.godine, iz koga se konstatuje da se Škrijelj Rifat imenuje za rektora Univerziteta u Sarajevu za drugi mandatni period 2020-2024.godine-----

Prisutni rektor prezentira Aktuelni Izvod iz sudskog registra Općinskog suda u Sarajevu br.065-0-RegZ-22-000199 od 10.01.2022.godine, iz kojeg se konstatuje da je Univerzitet u Sarajevu upisan u registar tog suda pod MBS: 65-05-0079-12 (stari broj 1-417), JIB br. 4200494560007, da je Kanton Sarajevo osnivač subjekta upisa, dok je Škrijelj Rifat rektor bez ograničenja ovlaštenja.-----

Prisutni nadalje izjavljuje pod punom materijalnom i krivičnom odgovornošću izjavljuje da u sudskom registru nije bilo nikakvih promjena u odnosu na podatke upisane u predloženom Aktuelnom izvodu. -----

(u daljem tekstu: **Kupac**);-----

UNIVERZITET U SARAJEVU - FAKULTET ZDRAVSTVENIH STUDIJA, sa sjedištem u ul. Stjepana Tomića 1, opština Sarajevo-Centar, kao podružnica subjekta upisa Univerziteta u Sarajevu, **zastupana po dekanu Pašalić Arziji**, prema vlastitoj izjavi kći _____, rođena _____, sa prebivalištem u Sarajevu, ul. _____ br. _____, JMB _____, po zanimanju _____, čiji sam identitet utvrdio uvidom u ličnu kartu broj: _____ izdata od MUP KS, _____ dana _____, sa rokom važenja do _____.

Prisutni dekan prezentira Aktuelni Izvod iz sudskog registra Općinskog suda u Sarajevu br.065-0-RegZ-22-000199 od 10.01.2022.godine, iz kojeg se konstatuje da je Univerzitet u

Sarajevu – Fakultet zdravstvenih studija upisan u registar tog suda kao podružnica subjekta upisa, sa poreskim podbrojem 4200494560201, da je Kanton Sarajevo osnivač subjekta upisa Univerziteta u Sarajevu, dok je Škrijelj Rifat rektor bez ograničenja ovlaštenja. Prisutna predočava Rješenje o imenovanju dekana Fakulteta zdravstvenih studija Univerziteta u Sarajevu za mandatni period 2018-2022.godine broj 0101-7000/18 od 09.11.2018.godine, iz koga se konstatuje da se Pašalić Arzija imenuje za dekana Fakulteta zdravstvenih studija Univerziteta u Sarajevu na mandatni period od 4 (četiri) godine, počevši od 30.10.2018.godine.

Prisutna nadalje izjavljuje pod punom materijalnom i krivičnom odgovornošću izjavljuje da u sudskom registru nije bilo nikakvih promjena u odnosu na podatke upisane u predloženom Aktuelnom izvodu.

(u daljem tekstu: **Saglasna stranka**);

Notar je sačinio prijepis identifikacionih isprava predstavnika prodavca, kupca i saglasne stranke.

Zajednički naziv za prodavca, kupca i saglasnu stranku je: ugovorne stranke.

Ugovorne stranke pod punom materijalnom i krivičnom odgovornošću izjavljuju da su identifikacione isprave predložene notar, njihove vlastite isprave, te da su podaci saopćeni notar, a koji nisu sadržani u identifikacionoj ispravi istiniti. Izražavaju saglasnost da se u ovoj ispravi, shodno odredbama Zakona o zaštiti ličnih podataka (Sl. glasnik BiH br. 49/06, 76/11 i ispravke br. 89/11.) unesu podaci iz prezentiranih identifikacionih isprava i njihovi persolani JMBG, s tim da se ti podaci mogu isključivo koristiti za obradu ove isprave, a ne u druge svrhe, te je identitet utvrđen u skladu s člankom 82. Zakona o notarima FBiH.

PRETHODNE NAPOMENE:

Ugovorne strane su se obratile sa zahtjevom za notarsku obradu kupoprodajnog ugovora koji za predmet ima kupoprodaju zemljišta, te je u konsultacijama prije davanja izjava ugovornih strana notar upoznao Kupca da se vlasništvo na nekretnini dokazuje zk.izvatkom, posjed kopijom katastarskog plana, da bi bilo prije kupovine uputno izvršiti identifikaciju nekretnine u prisustvu stručnog lica geometra, utvrditi da li postoji valjan–legalan prilaz nekretnini koja se kupuje, provjeriti da li se Prodavac nalazi u posjedu predmetne nekretnine, u općini utvrditi da li se zemljište vodi kao poljoprivredno ili građevinsko, da li je dozvoljena gradnja na predmetnom zemljištu, ako jeste za koju namjenu, poslovni ili stambeni objekti individualne ili stambene izgradnje. Posebno provjeriti da li preko zemljišta prolaze vodovi el.energije, plina, telefona, kanalizacije, što bi Kupca onemogućilo ili otežalo kod dobijanja dozvole za gradnju. Prodavac mora dokazati da predmetna nekretnina predstavlja njegovu posebnu imovinu ili pak obezbijediti saglasnost bračnog partnera za predmetnu prodaju, jer u protivnom bračni partner Prodavca može pobijati pravni posao ukoliko je isti zaključen bez njegove saglasnosti. Prodavac da bi otklonio mogućnost uspostave zakonske hipoteke, potrebno je da prezentira uvjerenje kojim dokazuje da na ime poreza nema nepodmirenih dugovanja.

Stranke su Notaru prezentovale sljedeću dokumentaciju:

- 1) Zemljišnoknjižni izvadak iz Zemljišnoknjižnog uloška br. 190, izdat od strane Zemljišnoknjižnog ureda Općinskog suda u Sarajevu, za katastarsku općinu SP_Sarajevo-Mahala LXVIII od 19.10.2021.godine;
- 2) Kopiju katastarskog plana izdatu od Službe za imovinsko-pravne, geodetske poslove i katastar nekretnina općine Centar Sarajevo, za katastarsku općinu Sarajevo V, UR broj: 05/B-26-1759/2021-2 od 15.06.2021.godine;

Ovlašteno lice prodavca izjavljuje da Prodavac nema dospjelih, a neizmirenih obaveza po osnovu poreza, a ovlašteno lice kupca ne traži da se ista Uvjerenja dostavljaju, već zahtjeva nastavak notarske obrade Ugovora.

Notar je stranke **upozorio** na mogućnost da je u međuvremenu došlo do promjene z.k. stanja za predmetnu nekretninu, kao i na mogućnost nesaglasnosti predloženih Zemljišnoknjižnih isprava i zemljišne knjige-katastra nekretnina, te ih poučio da bi bilo uputno da za ovu notarsku obradu isprave notar izvrši neposredan uvid u zemljišnu knjigu i katastar nekretnina, ali su stranke to odbile i zahtjevale da se notarska obrada ove isprave izvrši odmah na osnovu prezentovane dokumentacije, izjavljujući da nije bilo promjena. -----

U postupku savjetovanja notar je ugovorne stranke upozorio na odredbe čl. 251., 252., 253. i 254. Porodičnog Zakona FBiH (Sl. Novine FBiH broj: 35/05) koje se odnose na bračnu stečevinu, upravljanje bračnom stečevinom i posebnu imovinu, a posebno na odredbu čl. 252. stav 1. Zakona u kojem je navedeno da su bračni partneri u jednakim djelovima suvlasnici u bračnoj stečevini, ako nisu drugačije ugovorili, te ukoliko je u zemljišne knjige kao vlasnik stečevine upisan jedan bračni partner, drugi bračni partner može zahtijevati ispravku upisa, u skladu sa Zakonom o zemljišnim knjigama FBiH, a posebna imovina jeste ona imovina koju je bračni partner imao u času sklapanja braka ili imovina koju za vrijeme trajanja bračne zajednice jedan od bračnih partnera stekne po pravnom osnovu drukčijem od navedenog u članu 251. istog Zakona. -----

Na naprijed navedeno uputstvo direktorica Zavoda za izgradnju Kantona Sarajevo Barlov Belma izjavljuje da se radi o imovini Zavoda kao pravnog lica, čiji je osnivač Skupština Kantona Sarajevo, te da joj je poznato da je ovaj ugovor uvjetovan davanjem saglasnosti Skupštine Kantona Sarajevo. -----

Kupac, odnosno ovlašteno lice kupca, i pored upozorenja notara na odredbe Porodičnog zakona FBiH koje se odnose na bračnu stečevinu, upravljanje bračnom stečevinom, kao i posljedice raspolaganja imovinom koja predstavlja bračnu stečevinu ugovorne stranke, zahtjeva nastavak notarske obrade ove isprave na osnovu prezentovane dokumentacije, upoznat sa posljedicama propuštanja, izjavljujući da mu je poznato da se radi o imovini pravnog lica, čiji je osnivač Skupština Kantona Sarajevo, te da mu je poznato da će se predmetni Ugovor dostaviti Pravobranilaštvu KS, a potom i Skupštini KS, na davanje mišljenja i saglasnosti na isti. -----

Prisutnim strankama je poznato da je sprovedba ovog pravnog posla uvjetovana davanjem prethodnog pozitivnog mišljenja Pravobranilaštva Kantona Sarajevo i Odluke Skupštine Kantona Sarajevo, kao i da postoji neizvjesnost po tom osnovu, te stranke i pored pouka i upozorenja notara zahtijevaju nastavak notarske obrade ove isprave na osnovu priložene dokumentacije. -----

Notar je stranke upozorio da bi bilo uputno da za ovu notarsku obradu isprave notar izvrši neposredan uvid u službeni evidenciju Katastra Općine Centar Sarajevo i zemljišnu knjigu Općinskog suda u Sarajevu, ali su stranke to odbile i zahtjevale da se notarska obrada ove isprave izvrši bez prethodnog uvida notara u javnu evidenciju nekretnina. Nadalje, notar je stranke poučio da predmetnoj nekretnini po novom premjeru odgovaraju po starom premjeru k.č. 22 i dio k.č. 414 SP_Sarajevo-Mahala LXVIII, te da nije dostavljena zemljišnoknjižna isprava po starom premjeru u odnosu na k.č. br. 414 pomenute k.o., a prisutne stranke izjavljuju da im je poznato da se dio k.č. 414, k.o. Sarajevo Mahala LXVIII vodi kao državno vlasništvo sa upisanim nosiocem prava raspolaganja u korist Univerziteta NRBiH Sarajevo, čiji je pravni sljednik Univerzitet u Sarajevu, te smatraju da neće biti sporan posjed i ujedno zahtijevaju nastavak notarske obrade na osnovu priložene dokumentacije. -----

Ovlašteno lice prodavca izjavljuje da prodavac nekretninu prodaje na osnovu Zahtjeva Fakulteta zdravstvenih studija Univerziteta u Sarajevu broj: 02-1-943/21 od 25.05.2021. godine, te da se ugovor zaključuje neposrednom pogodbom u skladu sa članom 363. stav (5) Zakona o stvarnim pravima FBiH, bez sprovedbe procedure javnog konkursa. Nadalje, ovlašteno lice kupca izjavljuje da kupac predmetnu nekretninu kupuje radi obezbjeđenja prilaza objektima Paviljon VIII i Paviljon IX u skladu sa Zaključkom Skupštine Kantona Sarajevo broj: 02-04-16429-4/20 od 11.06.2020. godine. -----

Prije današnjeg termina za notarsku obradu ove isprave obavljene su prethodne konsultacije u nastavku kojih je strankama izdan nacrt ovog Ugovora. -----
Obzirom da se radi o prometu nekretnina, stranke žele da se izvrši **notarska obrada** ovog ugovora u smislu odredaba člana **73.st.1.tačka 4.** Zakona o notarima FBiH, na osnovu dokumentacije koja je predložena notar. -----

Notar je strankama objasnio činjeničnu i pravnu situaciju, te poučio o pravnom učinku ovog pravnog posla kao i njegovim posljedicama. Nakon što je od strane notara utvrđeno da su stranke sposobne i ovlaštene za poduzimanje i zaključivanje ovog pravnog posla, ispitao pravu volju stranaka i objasnio situaciju, uvjerio se u njihovu pravu i ozbiljnu volju, njihove izjave jasno i nedvosmisleno pismeno sastavio u obliku notarskog izvomika, pazeći pri tome da se isključe zabune i sumnje, kao i da neiskusne i nevješte stranke ne budu oštećene, dostavio sam im nacrt isprave prije notarske obrade i sačinio ovu notarski obrađenu ispravu. Prisutni su za notarsku obradu isprave izjavili kako slijedi: -----

I PREDMET PRODAJE

Član 1.

Predmet prodaje je nekretnina upisana kod Zemljišnoknjižnog ureda Općinskog suda u Sarajevu, iz Zemljišnoknjižnog uložka broj 190, katastarska općina SP_Sarajevo-Mahala LXVIII označena kao:

- k.č. broj 22 Gradilište, GRADILIŠTE površine 209m2, -----

a kojoj po novom premjeru odgovara k.č.2386/1 Gradilište zvano Hadžiloina površine 211m2 upisana kod Službe za imovinsko-pravne, geodetske poslove i katastar nekretnina općine Centar Sarajevo u **PL/KKU 1358, katastarska općina Sarajevo V**, uknjižena kao vlasništvo i posjed ZAVOD ZA IZGRADNJU KANTONA SARAJEVO sa 1/1 dijela.-----

Član 2.

Kupac pribavlja nekretninu u vlasništvo i posjed sa dijelom 1/1. -----

Član 3.

Uvidom u Zemljišnoknjižni izvadak iz Zemljišnoknjižnog uložka br. 190, izdat od strane Zemljišnoknjižnog ureda Općinskog suda u Sarajevu, za katastarku općinu SP_Sarajevo-Mahala LXVIII od 19.10.2021.godine, notar je utvrdio da je u A. POPISNOM LISTU pod rednim brojem 2. upisana nekretnina označena k.č. broj 22 Gradilište, GRADILIŠTE površine 209m2, u B VLASNIČKOM LISTU, pod rednim brojem 7. uknjižen je ZAVOD ZA IZGRADNJU KANTONA SARAJEVO sa 1/1 dijela, u C TERETNOM LISTU nema upisanih tereta. -----

Uvidom u Kopiju katastarskog plana izdatu od Službe za imovinsko-pravne, geodetske poslove i katastar nekretnina općine Centar Sarajevo, za katastarsku općinu Sarajevo V, UR broj: 05/B-26-1759/2021-2 od 15.06.2021.godine, utvrđeno je da je u PL/KKU broj 1358 upisana nekretnina označena kao k.č. broj 2386/1 Gradilište zvano Hadžiloina površine 211m2, evidentirana kao posjed ZAVOD ZA IZGRADNJU KANTONA sa 1/1 dijela. U dijelu gruntovni podaci je navedeno; Stari premjer k.č. 22, k.č. dio 414, k.o. Sarajevo LXVIII.-----

Notar konstatuje i upozorava Kupca da nije usklađeno zemljišno knjižno stanje sa katastarskim u pogledu upisanih površina, te da je neophodno da se isto uskladi, nakon čega Kupac izjavljuje da mu je to poznato, da će on naknadno izvršiti usklađivanje zk.stanja sa katastarskim, te insistira na zaključenju ovog Ugovora na osnovu predložene dokumentacije.

Za probleme koji mogu nastati u katastru kao što su neusklađenost katastarskog i gruntovnog stanja, neprovodivost promjena u katastru, kao što je nemogućnost upisa Kupca kao posjednika nekretnine, pa čak i da je sporan posjed Prodavca, kao i sve ostale sporove u katastru, ugovorne strane su oslobodile bilo kakve odgovornosti Notara.-----

Stranke su upozorene da predmetnoj nekretnini po novom premjeru odgovara i dio k.č. 414, za koju nije dostavljena odgovarajuća zemljišno knjižna isprava, a stranke i pored pouka i

upozorenja notara insistiraju na identifikaciji nekretnina shodno članu 1. ove isprave. -----
 Naprijed naznačene isprave prilažu se ovome izvorniku, sa istim su stranke upoznate i pročitane su im od strane notara. -----
 Kupac izjavljuje da je upoznat sa stanjem predmetne nekretnine i sa njenim granicama, kao i da ima obezbjeđen prilaz puta do predmetne parcele. -----

II PRODAJA

Član 4.

Prodavac prodaje, a kupac kupuje nekretninu iz stava 1. ovog ugovora tako da na istoj kupac stekne pravo vlasništva i posjeda sa 1/1 dijela. -----

Ovlašteno lice prodavca izjavljuje da prodavac nekretninu prodaje na osnovu Zahtjeva Fakulteta zdravstvenih studija Univerziteta u Sarajevu broj: 02-1-943/21 od 25.05.2021. godine, te da se ugovor zaključuje neposrednom pogodbom u skladu sa članom 363. stav (5) Zakona o stvarnim pravima, bez provedbe procedure javnog konkursa. Nadalje, ovlašteno lice kupca izjavljuje da Kupac predmetnu nekretninu kupuje radi obezbjeđenja prilaza objektima Paviljon VIII i Paviljon IX u skladu sa Zaključkom Skupštine Kantona Sarajevo broj: 02-04-16429-4/20 od 11.06.2020. godine. -----

Notar je stranke poučio i upozorio na zakonske odredbe o imovini koja je predmet bračne stečevine i da je takva imovina vlasništvo bračnih partnera na jednake dijelove po sili zakona, ako nije drukčije ugovoreno, te da bi ako se radi o bračnoj stečevini, bila potrebna pravno valjana saglasnost bračnog partnera prodavca. -----

Na naprijed navedeno uputstvo direktorica Zavoda za izgradnju Kantona Sarajevo Barlov Belma izjavljuje da se radi o isključivo posebnoj imovini Zavoda kao pravnog lica, čiji je osnivač Skupština Kantona Sarajevo, te da treća lica ne polažu pravo na istu, kao i da će se predmetni Ugovor dostaviti Pravobranilaštvu KS, a potom i Skupštini KS, na davanje prethodnog mišljenja i saglasnosti. -----

Član 5.

Prodavac izjavljuje da na predmetnoj nekretnini ne postoje priključci komunalnih usluga struje, vode, grijanja i sl., ali opreza radi prenosi na kupca sve eventualne priključke vezane za predmetnu nekretninu. -----

III CIJENA

Član 6.

Ugovorena kupoprodajna cijena nekretnine iznosi 250,00 KM/m² (dvijestotinepedeset KM) što iznosi ukupno **52.250,00 KM** (slovima: pedesetdvijehiljaddvijestotinepedesetkonvertibilnihmaraka i 00/100). -----

Ugovorne stranke saglasno izjavljuju da je cijena utvrđena u skladu sa Procjenom tržišne vrijednosti građevinskog zemljišta stalnog sudskog vještaka građevinske struke Borovina Elvedina od augusta 2021. godine. -----

Notar je poučio kupca na mogućnosti njegovog adekvatnog osiguranja u vezi sa dospjelošću plaćanja cijene kao što je plaćanje cijene na povjerenički račun notara za druge osobe i njenu isplatu prodavcu tek kada se steknu uvjeti za uknjižbu po ovom ugovoru i upisivanje predbilježbe i upozorio na rizike i posljedice kojima se izlaže u slučaju suprotnog postupanja, pa su ugovorne stranke ugovorile sljedeće: -----

Ugovorne stranke su saglasne da se cjelokupni iznos ugovorene kupoprodajne cijene isplati sa računa davatelja saglasnosti Univerzitet u Sarajevu – Fakultet zdravstvenih studija otvoren kod _____ na račun Prodavca otvoren kod BBI bank d.d. broj računa: 1411965320009154, svrha uplate: zemljište, najkasnije do _____ godine. -----

Pašalić Arzija, kao ovlašteno lice Univerziteta u Sarajevu – Fakulteta zdravstvenih studija, potpisivanjem izvornika ove isprave iskazuje saglasnost sa načinom isplate kupoprodajne cijene, uključujući i ostalim odredbama ovog Ugovora, te da se predmetna nekretnina uknjiži

kao posjed/vlasništvo Univerziteta u Sarajevu sa dijelom 1/1, a shodno priloženom mišljenju Pravobranilaštva i Odluci Skupštine Kantona Sarajevo.-----

Stranke odustaju od ugovaranja krajnjeg roka važenja – ispunjenja ovog Ugovora, oslobađajući notara svake odgovornosti po tom pitanju.-----

Nakon što je notar stranke upozorio na zakonske odredbe o oštećenju preko polovine i pravne posljedice toga, stranke izričito izjavljuju da je naprijed naznačena cijena stvarno ugovorena cijena koja je tržišna i odgovara stanju nekretnine. -----

IV ODGOVORNOST ZA PRAVNE I MATERIJALNE NEDOSTATKE

Član 7.

Nekretnina se prodaje bez garancije da ima površinu navedenu u Zemljišnim knjigama. -----

Prodavac ne garantira za skrivene i vidljive materijalne nedostatke i izjavljuju da mu nisu poznati nikakvi skriveni nedostaci.-----

Kupac je pregledao nekretninu izvršivši uvid u stvarno stanje.-----

Prodavac garantira da je u preostalom nekretnina slobodna od upisanih i neupisanih prava i ograničenja kao i da je terete nikakva potraživanja osigurana neuknjiženom hipotekom, kamate i porezi.-----

Ugovorne stranke su upozorene, a posebno kupac, na opasnost od postojanja zakonske hipoteke i potrebu da se zahtijeva potvrda-uvjerenje od porezne uprave o nedugovanju poreza, te ovlašteno lice prodavca garantira da ne postoje zakonske hipoteke na predmetnoj nekretnini i da prodavac nema dugovanja po osnovu javnih prihoda.-----

Nekretnina nije predmet ugovora o zakupu.-----

Prodavac ne odgovara za mogućnost gradnje na predmetnom zemljištu.-----

Prodavac garantira kupcu da prije ovog ugovora nije sa trećim licima zaključen ugovor ili predugovor o kupoprodaji predmetne nekretnine, niti primljena od trećih lica kakva kapara, niti zaključen bilo koji drugi ugovor koji bi ograničavao ili uvjetovao pravo kupca, a posebno tvrdi da predmetna nekretnina nije predmet bilo kakvog sudskog spora ili upravnog postupka.-----

Ukoliko se pojavi treće lice koje istakne osnovano potraživanje u odnosu na predmetnu nekretninu, Kupac može raskinuti ugovor, tražiti povrat cjelokupne kupoprodajne cijene i zahtijevati da mu Prodavac nadoknadi štetu. -----

Ugovorne stranke odustaju od ugovaranja podvragavanja neposrednom prinudnom izvršenju kao vid osiguranja stranaka.-----

V PRELAZAK POSJEDA, TERETA, KORISTI I OPASNOSTI

Član 8.

Stranke saglasno izjavljuju da će kupac ući-stupiti u posjed predmetne nekretnine sa danom isplate cjelokupnog iznosa kupoprodajne cijene.-----

Sa danom ulaska u posjed kupca sve koristi i tereti vezani za predmetnu nekretninu prelaze sa prodavca na kupca. -----

Stupanjem u posjed kupac preuzima sva javnopravna ograničenja i opterećenja vezana za predmetnu nekretninu, a koja nisu vidljiva ili poznata. -----

Rizik slučajne propasti stvari, zatim koristi, tereti, uključujući obaveze po osnovi osiguranja i opasnosti prelaze sa prodavca na kupca sa danom stupanja u posjed.-----

Kupac je odbio prijedlog notara da prije zaključenja ovog Ugovora kod nadležnog organa utvrdi da li se predmetno zemljište vodi kao poljoprivredno ili građevinsko i da li je na predmetnoj nekretnini dozvoljena gradnja.-----

Prodavac izjavljuju da nema neizmirenih režijskih troškova u odnosu na predmetnu nekretninu, te se opreza radi obavezuje izmiriti sve režijske troškove (naknade za komunalne usluge) nastale do momenta predaje nekretnine u posjed kupcu (današnji dan). -----

VI TROŠKOVI, POREZI

Član 9.

Troškove koji se odnose na notarsku nagradu i naknadu stranke, porez na promet nekretnina, kao i troškove vezane za upis zemljišno knjižnih prava navedenih pod stavom VIII, snosi kupac po dogovoru stranaka.-----

VII ODOBRENJA, PRAVO PRVOKUPA

Član 10.

U konkretnom slučaju ispitavši sve okolnosti notar je saopćio strankama da je ovaj Ugovor neophodno dostaviti Pravobranilaštvu KS radi pribavljanja pravnog mišljenja Pravobranilaštva prije zaključenja ugovora o kupoprodaji, sve u skladu sa članom 15. Zakona o pravobranilaštvu Kantona Sarajevo (Sl.novine KS br.33/08, 7/12, 44/16 i 45/21), a potom i na dobijanje Odluke Skupštine Kantona Sarajevo kao osnivača prodavca i kupca. ---

VIII ZEMLJIŠNOKNJIŽNI ZAHTEVI

Član 11.

Prodavac ovlašćuje kupca da na temelju ovog ugovora, uz notarski obrađenu izjavu prodavca o isplati-primitku cjelokupnog iznosa ugovorene kupoprodajne cijene od **52.250,00 KM** (slovima: pedesetdvijehiljadedvjestotinepedesetkonvertibilnihmaraka i 00/100) ili potvrde Banke (ovjera potpisa) o isplati kupoprodajne cijene shodno članu 6. ovog Ugovora u Zemljišnoj knjizi Općinskog suda u Sarajevu, izdejsvuje promjenu prava vlasništva u zk.ul.br.190, k.o. SP_Sarajevo-Mahala LXVIII na k.č. broj 22 Gradilište površine 209m2, tako što će se na opisanoj nekretnini kao **vlasnik** uknjižiti: -----

- **UNIVERZITET U SARAJEVU, sa sjedištem u Sarajevu, ul. Obala Kulina bana 7/II, sa 1/1 dijela.** -----

Katastarsko knjižni zahtjevi

Prodavac ovlašćuje kupca da na temelju ovog ugovora, a kada se za to ispune zakonski uslovi, bez njegovog daljeg pitanja ili odobrenja u Službi za imovinsko-pravne, geodetske poslove i katastar nekretnina općine Centar Sarajevo, izdejsvuje promjenu prava posjeda na predmetnoj nekretnini iz člana 1. ovog Ugovora, tako što će se na opisanoj nekretnini kao **posjednik** uknjižiti: -----

- **UNIVERZITET U SARAJEVU, sa sjedištem u Sarajevu, ul. Obala Kulina bana 7/II, sa 1/1 dijela.** -----

Član 12.

Ovim ugovorom Prodavac ovlašćuje kupca da na osnovu istog i notarski obrađene izjave prodavca o primitku-isplati cjelokupnog iznosa kupoprodajne cijene ili potvrde Banke (ovjera potpisa) ishodi za sebe u zemljišnim i drugim javnim registrima upis vlasničkog prava i drugih prava na nekretnini iz člana 1. ovog ugovora.-----

Notar je ovlašten da zahtjeve iz ovog ugovora mijenja, upućuje zemljišno knjižnom sudu i katastru odvojeno ili ograničeno, a isto tako i da ih povlači. -----

Istovremeno je notar ovlašten da ukoliko je to potrebno za provođenje ovog ugovora u zemljišnim knjigama ovaj ugovor mijenja ili dopunjava (ispravlja), a sve u cilju prenosa posjeda i vlasništva na Kupca u skladu sa ovim ugovorom. -----

IX PREDBILJEŽBA UGOVORA

Član 13.

Prodavac odobrava da kupac izdejsvuje predbilježbu prava vlasništva u Zemljišnoknjižnom ulošku broj: 190, k.o. SP_Sarajevo-Mahala LXVIII, Općinski sud u Sarajevu, a radi uknjižbe zabrane raspolaganja predmetnom nekretninom do konačnog upisa. -----

Ugovorne strane su saglasne i dozvoljavaju da ukoliko dođe iz bilo kojeg razloga do raskida ovog Ugovora, da se na osnovu ovog Ugovora i notarski obrađene izjave o sporazumnom raskidu ugovora briše odnosno povlači upisana zabrana iz stava prvog. -----

X ZAVRŠETAK ISPRAVE

Član 14.

Notar je stranke upozorio na sljedeće: _____

- Da je uvjet za stjecanje prava vlasništva upis u Zemljišnu knjigu. _____
- Da tek sa uknjižbom prava vlasništva u zemljišnu knjigu kupac postaje vlasnikom nekretnine, dok sa upisom prava posjeda u katastarske knjige postaje posjednikom nekretnine, te da je neophodno da je prethodno usklađeno zemljišno knjižno stanje sa katastarskim. _____
- Da je zaključenje ovog Ugovora uvjetovano davanjem prethodnog pozitivnog mišljenja Pravobranilaštva Kantona Sarajevo, a potom i Odluke Skupštine Kantona Sarajevo. _____
- Da je ova notarska obrada izvršena na zahtjev stranaka temeljem člana 363. stav (5) Zakona o stvarnim pravima FBiH, bez sprovedbe procedure javnog konkursa, na osnovu dokumentacije koju su stranke prezentovale notaru, te stranke oslobađaju notara odgovornosti i obaveze da dodatno provjerava zemljišno knjižno stanje. _____
- Da kupac, radi osiguranja svoga prava vlasništva, može zahtijevati da se na teret nekretnine-predmeta ovog Ugovora, upiše predbilježba tog prava u zemljišnim knjigama, kao i na posljedice propuštanja upisa predbilježbe. _____
- Da ovaj ugovor podliježe eventualno porezu na promet nekretnina, te je notar saopćio kupcu da je prema Zakonu o porezima Kantona Sarajevo obavezan obratiti se nadležnoj poreznoj ispostavi u roku od 8 dana od dana zaključenja ovog Ugovora radi dobijanja potvrde o oslobađanju od poreza ili potvrde o razrezu poreza, kao i da će u slučaju kašnjenja biti u obavezi platiti dnevnu zateznu kamatu. _____
- Da shodno članu čl. 20. Zakona o porezu na dohodak, dohodak od imovine uključuje prihod ostvaren, pored ostalog i otuđenjem nekretnina, a u stavu 4. istog člana, navedeno je da poreznu osnovicu kod otuđenja nekretnina čini razlika između prihoda utvrđenog prema tržišnoj vrijednosti nekretnine koja se otuđuje i nabavne vrijednosti uvećane za rast proizvođačkih cijena industrijskih proizvoda. _____
- Na opasnost od postojanja zakonske hipoteke i poučio kupca da od prodavca zahtjeva potvrdu od poreske uprave da prodavac nema dugovanja za poreze, indirektno poreze i doprinose, sa datumom zaključenja ugovora. _____
- Da je ova notarska obrada urađena na temelju priloga koje su stranke prezentirale notaru. _____
- Da ovaj ugovor u smislu člana 4. Zakona o notarima ima punu dokaznu snagu javne isprave o izjavama datim pred notarom i zapisanim u ovoj ispravi. _____

Prilikom sastavljanja izvornika i njegovog čitanja prilozi su stajali strankama na raspolaganju, stranke su izjavile da su upoznate sa njihovim sadržajem i dale su izjavu da se odriču prava čitanja priloga. _____

Od ove notarski obrađene isprave dobijaju: _____

Otpравak izvornika: _____

Prodavac (1) _____

Kupac (1) _____

Zemljišnoknjižni ured-u svrhu uknjižbe (1) _____

Zemljišnoknjižni ured-u svrhu predbilježbe (1) _____

Katastar općine Centar Sarajevo (1) _____

Ovjereni prepis: _____

Poreska uprava Centar Sarajevo (1) _____

Prepis: _____

Za potrebe banke (1) _____

Notar je strankama pročitao ovaj izvornik, neposrednim pitanjima se uvjerio da njegov sadržaj odgovara volji stranaka, nakon čega su stranke to potvrdile i izjavile da su razumjele sadržinu, da su saglasne sa ovim notarskim izvornikom, kojeg slobodnom voljom odobravaju i svojeručno, kako slijedi, u prisustvu notara potpisuju, te je potom ovaj notarski izvornik potpisao i notar. _____

Ovaj izvornik je sačinjen u službenim prostorijama postupajućeg notara na Ilidži, dana _____.02.2022. godine (_____-februar-dvijeiljadvedesetdruge-godine). -----

Ugovorne stranke:

PRODAVAC:

ZAVOD ZA IZGRADNJU KANTONA SARAJEVO

zastupan po direktorici Barlov Belmi

KUPAC:

UNIVERZITET U SARAJEVU

zastupan po rektoru Škrijelj Rifatu

Saglasna stranka:

UNIVERZITET U SARAJEVU - FAKULTET ZDRAVSTVENIH STUDIJA

zastupan po dekanu Pašalić Arziji

Notar: Dragan Miletić

**-UPRAVNI ODBOR-**

Broj: 02-23-10/23

Sarajevo, 20. 06. 2022. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama, člana 37. stav (1) Poslovnika o radu Upravnog odbora Univerziteta u Sarajevu, na prijedlog Vijeća Univerziteta u Sarajevu – Stomatološkog fakulteta sa stomatološkim kliničkim centrom, broj: 01-4-2-25-4/2023 od 26. 05. 2023. godine, Upravni odbor Univerziteta u Sarajevu je na svojoj 16. redovnoj sjednici, održanoj dana 20. 06. 2022. godine, donio *s l j e d e ć u*

ODLUKU**I**

Daje se *saglasnost* dekanu Univerziteta u Sarajevu – Stomatološkog fakulteta sa stomatološkim kliničkim centrom, prof. dr. Muhamedu Ajanoviću za potpisivanje Ugovora o saradnji kojim se regulišu međusobna prava i obaveze između Univerziteta u Sarajevu – Stomatološkog fakulteta sa stomatološkim kliničkim centrom i Stomatološkog fakulteta Univerziteta „Sv. Kiril i Metodije“, Skopje, Sjeverna Makedonija.

II

Ova Odluka stupa na snagu danom donošenja.

O b r a z l o ž e n j e

Upravnom odboru je, na prijedlog Vijeća Univerziteta u Sarajevu – Stomatološkog fakulteta sa stomatološkim kliničkim centrom, broj: 01-4-2-25-4/2023 od 26. 05. 2023. godine, dostavljen prijedlog Ugovora o saradnji kojim se regulišu međusobna prava i obaveze između Univerziteta u Sarajevu – Stomatološkog fakulteta sa stomatološkim kliničkim centrom i Stomatološkog fakulteta Univerziteta „Sv. Kiril i Metodije“, Skopje, Sjeverna Makedonija na postupanje. S tim u vezi, Upravni odbor Univerziteta u Sarajevu donosi Odluku kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Stomatološkom fakultetu sa stomatološkim kliničkim centrom
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi.

**-UPRAVNI ODBOR-**

Broj: 02-23-11/23

Sarajevo, 14. 06. 2023. godine

Na osnovu člana 59., a u vezi sa članom 31. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu sa pratećim izmjenama i dopunama, člana 37. stav (1) Poslovnika o radu Upravnog odbora Univerziteta u Sarajevu i Odluke Senata Univerziteta u Sarajevu, broj: 01-9-32/23 od 27. 04. 2023. godine, Upravni odbor Univerziteta u Sarajevu je na 16. redovnoj sjednici, održanoj dana 20. 06. 2023. godine, donio *s l j e d e ć u*

O D L U K U**I**

Utvrđuje se visina školarine jednogodišnjeg interdisciplinarnog studija drugog ciklusa *Pravo i digitalne tehnologije* koji se realizira na Univerzitetu u Sarajevu – Centru za interdisciplinarnu studiju „Prof. dr. Zdravko Grebo“ u iznosu od 10.000,00 KM (slovima: deset hiljada i 00/100 konvertibilnih maraka) po studentu.

II

Obavezuje se Univerzitet u Sarajevu da na visinu školarine iz tačke I ove Odluke pribavi prethodnu saglasnost Vlade Kantona Sarajevo.

III

Ova Odluka stupa na snagu danom donošenja, a primjenjuje se od akademske 2023/2024. godine, odnosno od dobivanja prethodne saglasnosti Vlade Kantona Sarajevo iz tačke II ove Odluke.

Obrazloženje

Upravnom odboru je, radi utvrđivanja cijene novog interdisciplinarnog studija drugog ciklusa *Pravo i digitalne tehnologije*, dostavljena Odluka Senata Univerziteta u Sarajevu kojom se daje saglasnost Centru za interdisciplinarnu studiju Univerziteta u Sarajevu „prof. dr. Zdravko Grebo“ na uspostavu i izvedbu novog jednogodišnjeg interdisciplinarnog studija drugog ciklusa u iznosu od 10.000,00 KM (slovima: deset hiljada i 00/100 konvertibilnih maraka) po studentu. Senat Univerziteta u Sarajevu na sjednici održanoj 27. 04. 2023. godine, donio

Odluku broj: 01-9-32/23 kojom je data saglasnost za uspostavu i izvedbu navedenog studija, kao i na utvrđivanje visine školarine.

Na osnovu naprijed navedenog, odlučeno je kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Centru za interdisciplinarne studije Univerziteta u Sarajevu „Prof. dr. Zdravko Grebo
- Vladi Kantona Sarajevo, putem Službe za nastavu i studentska pitanja
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-23-12/23

Sarajevo, 14. 06. 2023. godine

Na osnovu člana 59., a u vezi sa članom 31. Zakona o visokom obrazovanju („Službene novine Kantona Sarajevo“, broj: 36/22), člana 55. Statuta Univerziteta u Sarajevu sa pratećim izmjenama i dopunama i člana 37. stav (1) Poslovnika o radu Upravnog odbora Univerziteta u Sarajevu i Odluke Senata Univerziteta u Sarajevu, broj: 01-9-33/23 od 27. 04. 2023. godine, Upravni odbor Univerziteta u Sarajevu je na 16. redovnoj sjednici, održanoj dana 20. 06. 2023. godine, donio *s l j e d e ć u*

ODLUKU**I**

Utvrđuje se visina školarine zajedničkog studijskog programa drugog ciklusa studija koji se realizira na Univerzitetu u Sarajevu – Ekonomskom fakultetu i Ekonomskom fakultetu Sveučilišta Josipa Jurja Strossmayera u Osijeku, Rrepublika Hrvatska u iznosu od 10.000,00 KM (slovima: desethiljada i 00/100 konvertibilnih maraka) po studentu.

II

Obavezuje se Univerzitet u Sarajevu da na visinu školarine iz tačke I ove Odluke pribavi prethodnu saglasnost Vlade Kantona Sarajevo.

III

Ova Odluka stupa na snagu danom donošenja, a primjenjuje se od akademske 2023/2024. godine, odnosno od dobivanja prethodne saglasnosti Vlade Kantona Sarajevo iz tačke II ove Odluke.

Obrazloženje

Upravnom odboru je radi utvrđivanja visine novog zajedničkog studijskog programa drugog ciklusa studija koji se realizira na Univerzitetu u Sarajevu – Ekonomskom fakultetu i Ekonomskom fakultetu Sveučilišta Josipa Jurja Strossmayera u Osijeku dostavljena Odluka Senata Univerziteta u Sarajevu kojom se daje saglasnost na uspostavu i izvedbu novog zajedničkog studijskog programa drugog ciklusa studija u iznosu od 10.000,00 KM (slovima: desethiljada i 00/100 konvertibilnih maraka) po studentu. Senat Univerziteta u Sarajevu na sjednici održanoj 27. 04. 2023. godine, donio Odluku broj: 01-9-33/23 kojom je data saglasnost za uspostavu i izvedbu navedenog studija, kao i na utvrđivanje cijene/visine školarine.

Na osnovu naprijed navedenog, odlučeno je kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Univerzitetu u Sarajevu – Ekonomskom fakultetu
- Vladi Kantona Sarajevo, putem Službe za nastavu i studentska pitanja Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)

**-UPRAVNI ODBOR-**

Broj: 02-23-13/23

Sarajevo, 20. 06. 2023. godine

Na osnovu člana 59. Zakona o visokom obrazovanju („Službene novine Kantona Sarajevo“, broj 36/22), člana 55. Statuta Univerziteta u Sarajevu sa pratećim izmjenama i dopunama i člana 37. stav (1) Poslovnika o radu Upravnog odbora Univerziteta u Sarajevu, razmatrajući Prigovor podnositeljice Lejle Selimović-Erdić, radnice Univerziteta u Sarajevu – Pedagoškog fakulteta, izjavljen na Rješenje o otkazu Ugovora o radu s ponudom izmijenjenog Ugovora o radu dekana Univerziteta u Sarajevu – Pedagoškog fakulteta, broj: 23-01-598/23 od 18. 04. 2023.godine, zaprimljen dana 15. 05. 2023. godine, putem advokata Arnaut Benjamina iz Sarajeva, Upravni odbor Univerziteta u Sarajevu je u ponovnom postupku u ovom predmetu, na 16. redovnoj sjednici, dana 20. 06. 2023. godine donio

s l j e d e ć u

ODLUKU

1. Rješenje o otkazu Ugovora o radu s ponudom izmijenjenog Ugovora o radu dekana Univerziteta u Sarajevu – Pedagoškog fakulteta, broj: 23-01-598/23 od 18. 04. 2023.godine stavlja se van snage zbog posebne zaštite žene za vrijeme trudnoće (zaštite materinstva).

2. Obavezuje se radnica Lejle Selimović - Erdić da u roku od 15 dana dostavi Univerzitetu u Sarajevu - Pedagoškom fakultetu odgovarajuću potvrdu o postojanju trudnoće od ovlaštenog liječnika.

O b r a z l o ž e n j e

Upravnom odboru Univerziteta u Sarajevu kao drugostepenom organu je dana 15. 05. 2023. godine, dostavljen Prigovor podnositeljice Lejle Selimović-Erdić, radnice Univerziteta u Sarajevu – Pedagoškog fakulteta, na Rješenje o otkazu Ugovora o radu s ponudom izmijenjenog Ugovora o radu dekana Univerziteta u Sarajevu – Pedagoškog fakulteta, broj: 23-01-598/23 od 18. 04. 2023.godine (u daljem tekstu: prvostepeno Rješenje).

Razmatrajući podneseni Prigovor, drugostepeni organ je cijenio:

- Da li su prilikom donošenja prvostepenog Rješenja pravilno primijenjena pravila utvrđena zakonskim propisima i općim aktima Univerziteta,
- Da li su potpuno i tačno utvrđene činjenice,
- Da li su pravilno primijenjeni izvori prava.

Nadležnost drugostepenog tijela zasniva se članom 59. Zakona o visokom obrazovanju i članom 55. tačkom k) Statuta Univerziteta u Sarajevu sa pratećim izmjenama i dopunama, kojom se utvrđuje da Upravni odbor odlučuje o prigovorima/žalbama zaposlenika na odluke tijela Univerziteta/članice koja su u prvom stepenu odlučivala o pravima, obavezama i odgovornostima zaposlenika iz radnog odnosa.

U svom Prigovoru, podnositeljica ističe da je prvostepeni organ donoseći prvostepenu Odluku istu donio nezakonito, suprotno Zakonu o radu FBiH („Službene novine FBiH“, broj 26/2016, 89/2018, 23/2020 - odluka US, 49/2021 - dr. zakon, 103/2021 - dr. zakon i 44/2022) – (u daljem tekstu: Zakon o radu FBiH), Pravilniku o radu Univerziteta u Sarajevu, Pravilniku o sistematizaciji radnih mjesta Univerziteta u Sarajevu, kao i Pravilniku o sistematizaciji radnih mjesta Pedagoškog fakulteta i na

~~koncu Kolektivnom ugovoru za djelatnost visokog obrazovanja i nauke Univerziteta u Sarajevu.~~

Ističe da je pobijano Rješenje doneseno nakon što je prethodno donesena odluka poništena i predmet vraćen na ponovno postupanje Odlukom Upravnog odbora Univerziteta u Sarajevu broj: 02-11-14/23 od 14. 03. 2023. godine, te da prvostepeni organ istrajava na otkazivanju ugovora o radu svojoj radnici, te ponovo donosi meritorno identičnu odluku, s tim da navodi obrazloženje za svoju odluku. Dalje u svom Prigovoru navodi kako je u 14 sedmici trudnoće, a koju činjenicu je prvostepeni organ zanemario prilikom donošenja prvostepenog Rješenja, odnosno da je postupio nezakonito u smislu člana 60. i 107. stav 1. Zakona o radu FBiH, jer je navedenim odredbama jasno propisana imperativna zabrana otkazivanja ugovora o radu ženi za vrijeme trudnoće. Također, navodi da je novim ugovorom o radu mjesto rada radnice promijenjeno, što je u suprotnosti sa odredbama člana 61. stav 4. Zakona o radu FBiH. Također, u svom Prigovoru podnositeljica tvrdi da imajući u vidu njenu stručnu spremu i dosadašnje radno iskustvo na poziciji bibliotekara, a uvažavajući Standarde i normative za djelatnost visokog obrazovanja na području Kantona Sarajevo (u daljem tekstu: Standardi i normativi) da je apsolutno mogla nastaviti obavljati poslove bibliotekara. U konačnici predlaže da se prvostepena Odluka stavi van snage i da se naloži Univerzitetu u Sarajevu – Pedagoškom fakultetu da pitanja u vezi radnog odnosa Podnositeljice prigovora riješi na zakonom propisan način, vodeći računa o već stečenim pravima radnice, u suprotnom bit će prinuđena pokrenuti druge postupke.

Nakon dostavljanja prigovora, Univerzitet u Sarajevu je dana 17. 05. 2023. godine isti uputio prema prvostepenom organu - Univerzitetu u Sarajevu - Pedagoškom fakultetu radi postupanja u skladu sa članovima 230. - 235. Zakona o upravnom postupku („Sl. novine FBiH“, br. 2/98 i 48/99), te je dana 24. 05. 2023. godine, prvostepeni organ dostavio očitovanje na predmetni prigovor.

U svom izjašnjenju prvostepeni organ ističe da podnositeljica Prigovora nije nikada do datuma samog izjašnjenja dostavila lično ili putem drugog lica ili ovlaštenog advokata bilo kakvu usmenu ili pismenu informaciju da je trudna, a pogotovo informaciju kada je konstatirana ili započeta njena trudnoća, da nije dostavila doznake ljekara, medicinsku dokumentaciju ili bilo kakav ljekarski nalaz konstatirane trudnoće. Prvostepeni organ u svom izjašnjenju ističe da je prvi put o trudnoći podnositeljice Prigovora saznao sa danom dostavljanja Prigovora iste njima na očitovanje. Shodno navedenom prvostepeni organ smatra da ni na koji način nije prekršio niti mogao prekršiti odredbe Zakona o radu, konkretno članove 107. stav 1. i 60. stav 1., te članove 61., 63., 64., i 65., jer prvostepeni organ nije nikada ni pismenim ni usmenim putem obaviješten o započetoj trudnoći podnositeljice Prigovora. Posebno ističu činjenicu da je rješavanje radno pravnog statusa podnositeljice Prigovora započeto prije datuma konstatacije trudnoće iste (datum ljekarskog nalaza od 27. 04. 2023. godine) Nadalje, u svom očitovanju na Prigovor podnositeljice prvostepeni organ se osvrće na ostale žalbene navode podnositeljice Prigovora. Na kraju prvostepeni organ navodi da je u cijelosti postupio po ranijoj Odluci Upravnog odbora Univerziteta u Sarajevu, kojom je poništeno ranije Rješenje, kao i da je preraspored podnositeljice Prigovora izvršen u skladu sa pozitivnim propisima i stvarnim potrebama stručnih službi, a u cilju neometanog procesa rada i usklađivanja ugovora o radu sa Pravilnikom.

Obzirom da je Prigovor podnositeljice formalno pravno ispravan (blagovremen, podnesen od strane ovlaštene osobe i potpun), Upravni odbor je cijeneći nadležnosti utvrđene Statutom Univerziteta u Sarajevu, predmetni prigovor rezimirao na sljedeći način:


- da je članom 107. stav 1., Zakona o radu FBiH regulirano da odredbe predmetnog Zakona koje se odnose na otkaz, primjenjuju se i u slučaju kada poslodavac otkáže ugovor i istovremeno ponudi radniku zaključivanje ugovora o radu pod izmijenjenim uvjetima.

- da je članom 60. stav 1. i 3. Zakona o radu FBiH regulirano da poslodavac ne može za vrijeme trudnoće otkazati ugovor o radu ženi, niti smije tražiti bilo kakve podatke o trudnoći, osim ako radnica zahtijeva određeno pravo predviđeno zakonom ili drugim propisom radi zaštite trudnica.
- da je članom 61. stav 3. Zakona o radu također regulirano da poslodavac ne može bez pristanka žene za vrijeme trudnoće premjestiti u drugo mjesto rada.
- da je prvostepeni organ je u cijelosti postupio u skladu sa Odlukom Upravnog odbora Univerziteta u Sarajevu broj: 02-11-14/23 od 14. 03. 2023.godine, te je proceduru otkaza Ugovora o radu sa ponudom izmijenjenog Ugovora o radu u odnosu na podnositeljicu Prigovora proveo u skladu sa istom. Konkretnije iz dostavljene dokumentacije se da zaključiti da do podnošenja ovog Prigovora prvostepeni organ kao poslodavac nije znao niti mogao znati da je podnositeljica Prigovora trudna, odnosno podnositeljica Prigovora do podnošenja istog nije od prvostepenog organa zahtijevala određeno pravo predviđeno Zakonom o radu FBiH ili drugim propisom radi zaštite trudnica.
- Dakle, u momentu donošenja prvostepenog Rješenja dekana Univerziteta u Sarajevu - Pedagoškog fakulteta o otkazu ugovora o radu sa ponudom zaključivanja novog ugovora o radu, postupanje nije bilo nezakonito, ali se donošenje rješenja o otkazu s ponudom izmijenjenog Ugovora o radu , stavlja van snage ako u roku od 15 dana od dana donošenja odluke Upravnog odbora zaposlena donese dokaz o trudnoći.
- prvostepeni organ je u ovakvom spletu okolnosti dužan suspendovati svoje rešenje o otkazu ugovora o radu sa ponudom zaključivanja novog ugovora o radu, najmanje do isteka porodiljskog odsustva i odsustva sa rada radi njege djeteta.

Ostale navode iz Prigovora podnositeljice Upravni odbor Univerziteta u Sarajevu nije ni razmatrao jer u konkretnom slučaju ne utiču na donošenje same odluke.

U tom kontekstu Upravni odbor Univerziteta u Sarajevu konstatira da se Prigovor podnositeljice temelji na novim činjenicama koje utiču na donošenje odluke prvostepenog organa u pogledu rasporeda imenovane na drugo radno mjesto odnosno otkaza ugovora o radu sa ponudom izmijenjenog ugovora o radu, na način da je Odluka prvostepenog organa donesena suprotno gore navedenim pozitivnim zakonskim propisima iz oblasti rada.

S obzirom na naprijed naznačeno, Upravni odbor Univerziteta u Sarajevu odlučio je kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Punomoćniku podnositeljice Prigovora advokatu Arnaut Benjaminu, ul. Gimnazijska broj 9., 71000 Sarajevo – Pedagoškog fakulteta
- Univerzitetu u Sarajevu – Pedagoškom fakultetu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- a/a

**-UPRAVNI ODBOR-**

Broj: 02-23-14/23

Sarajevo, 20. 06. 2023. godine

Na osnovu člana 59. Zakona o visokom obrazovanju ("Službene novine Kantona Sarajevo", broj 36/22) i 55. Statuta Univerziteta u Sarajevu, razmatrajući Prigovor podnosioca Harisa Bajića, višeg stručnog saradnika na Univerzitetu u Sarajevu - Filozofskom fakultetu izjavljen na Rješenje o pokretanju disciplinskog postupka Univerziteta u Sarajevu - Filozofskog fakulteta, broj: 01-04/48 od 15. 5. 2023. godine, putem punomoćnika Zajednička advokatska kancelarija Kurtović Hakija i Kurtović Adis, zastupan po advokatima Kurtović Hakija i Kurtović Adis, broj evidencije Univerziteta u Sarajevu: 0101-6987-1/23 od 6. 5. 2023. godine, Upravni odbor Univerziteta u Sarajevu, na svojoj 16. redovnoj sjednici, održanoj dana 20. 6. 2023. godine *d o n i o*

ZAKLJUČAK

Odbacuje se Prigovor podnosioca Harisa Bajića, višeg stručnog saradnika na Univerzitetu u Sarajevu – Filozofskom fakultetu izjavljen na Rješenje o pokretanju disciplinskog postupka Univerziteta u Sarajevu - Filozofskog fakulteta, broj: 01-04/48 od 15. 5. 2023. godine, *zbog nedopuštenosti*.

O b r a z l o ž e n j e

Upravnom odboru Univerziteta u Sarajevu od strane Harisa Bajića, višeg stručnog saradnika na Univerzitetu u Sarajevu – Filozofskom fakultetu izjavljen je Prigovor na Rješenje o pokretanju disciplinskog postupka Univerziteta u Sarajevu – Filozofskog fakulteta, broj: 01-04/48 od 15. 5. 2023. godine, putem punomoćnika Zajednička advokatska kancelarija Kurtović Hakija i Kurtović Adis, zastupan po advokatima Kurtović Hakija i Kurtović Adis, broj evidencije Univerziteta u Sarajevu: 0101-6987-1/23 od 6. 5. 2023. godine.

Članom 72. Jedinog pravilnika o radu Univerziteta u Sarajevu propisan je disciplinski postupak. U svojstvu ovlaštenog tijela za pokretanje disciplinskog postupka na način utvrđen ovim Pravilnikom nalazi se dekan. Ovaj postupak se zasniva na pravu podnošenja disciplinske prijave, protiv bilo kojeg radnika, kako bi se inicirao disciplinski postupak, zatim pravu i obavezi dekana da na osnovu podnesene prijave odlučuje o pokretanju disciplinskog postupka protiv radnika. S tim u vezi, rješenje o pokretanju disciplinskog postupka mora da sadrži sve podatke neophodne za vođenje disciplinskog postupka i odlučivanje o odgovornosti.

U skladu sa navedenim, dekan Univerziteta u Sarajevu – Filozofskog fakulteta je na podlozi činjenica i saznanja za učinjenu povredu poduzeo radnju koja se veže za samo pokretanje

disciplinskog postupka i u ovoj fazi nije ni došlo do izricanja disciplinske mjere podnositelju Prigovora, odnosno disciplinski postupak nije ni okončan.

Upravni odbor Univerziteta u Sarajevu konstatira da sama činjenica da je pokrenut disciplinski postupak nema neposredan pravni učinak jer istim nije povrijeđeno pravo iz radnog odnosa podnositelja Prigovora. Konkretnije, Prigovor podnositelja se odbacuje zbog nepostojanja uvjeta za postupanje obzirom da na odluku o pokretanju disciplinskog postupka nije dopuštena žalba/prigovor.

S tim u vezi, Upravni odbor Univerziteta u Sarajevu cijeni i da se formalno-pravna neispravnost podnesenog Prigovora odnosni i na preuranjenost istog.



Dostaviti:

- Podnositelju Prigovora, putem Zajedničke advokatske kancelarije Kurtović Hakija i Kurtović Adis na adresu ul. Mis Irbina 26/I, 71000 Sarajevo
- Univerzitetu u Sarajevu – Filozofskom fakultetu
- Predsjedniku i članovima Upravnog odbora
- Rektor Univerziteta u Sarajevu
- U dokumentaciju Upravnog odbora
- a/a

-UPRAVNI ODBOR-

Broj: 02-23-15/23

Sarajevo, 20. 06. 2023. godine

Na osnovu člana 59. stav (2) tačka b) Zakona o visokom obrazovanju („Sl. novine Kantona Sarajevo“, broj: 36/22), člana 55. Statuta Univerziteta u Sarajevu sa pratećim izmjenama i dopunama i člana 37. stav (2) Poslovnika o radu Upravnog odbora Univerziteta u Sarajevu, razmatrajući Zahtjev Univerziteta u Sarajevu – Instituta za genetičko inženjerstvo i biotehnologiju broj: 214/23 od 26. 05. 2023. godine, Upravni odbor Univerziteta u Sarajevu je na 16. redovnoj sjednici održanoj dana 20. 06. 2023. godine, *dao s l j e d e ć e*

M I Š L J E N J E

Polazeći od dostavljenog Zahtjeva Univerziteta u Sarajevu – Instituta za genetičko inženjerstvo i biotehnologiju, a s ciljem davanja odgovora, dilema je vezana za rješavanje sukoba izvora koji na različit način uređuju aktuelno pitanje: procenat prosječne cijene po litri benzina. U kontekstu primjene prava, treba voditi računa o principima za rješavanje sukoba pravnih propisa. Konkretnije opći principi za rješavanje sukoba pravnih propisa su:

- a. Propis nižeg ranga ne može biti u sukobu s propisom višeg ranga: pravilnici kao autonomno pravo su nižeg hijerarhijskog ranga od uredbi koje su obavezujuće i neposredno primjenljive.
- b. Propis može staviti van snage ili izmijeniti samo propis jednake ili veće pravne važnosti: Uredba koja treba da se u ovom području primjenjuje je Uredba o naknadama za troškove službenog putovanja Kantona Sarajevo donesena 2019. godine („Službene novine Kantona Sarajevo“, broj 21/19).
- c. Kada postoji sukob odredbi propisa jednake snage, ona odredba koja je novijeg datuma stavlja van snage ili dovodi do izmjene starije odredbe. Uredba na koje se oslanja Pravilnik je prestala da važi.

U konkretnom slučaju, Upravni odbor Univerziteta u Sarajevu cijeni da zbog sukoba, a oslonom na opće principe, treba primijeniti naknadu u visini od 15% prosječne cijene po litri benzina. Iako se u konkretnom slučaju ne radi o tumačenju Pravilnika o službenim putovanjima Univerziteta u Sarajevu koji je donesen u septembru 2015. godine sa izmjenama iz januara 2016. godine, oktobra 2017. godine i novembra 2022. godine, Upravni odbor Univerziteta u Sarajevu inicira njegovo usklađivanje sa relevantnim propisima imajući u vidu da su propisi na osnovu kojih je donesen prestali da važe.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Univerzitetu u Sarajevu – Institutu za genetičko inženjerstvo i biotehnologiju
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Arhiva

**-UPRAVNI ODBOR-**

Broj: 02-23-16/23

Sarajevo, 20. 06. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Akademije scenskih umjetnosti o izmjeni i dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 02-1/250-II od 09. 05. 2023. godine, Upravni odbor Univerziteta u Sarajevu je, na 16. redovnoj sjednici održanoj dana 20. 06. 2023. godine, donio *s l j e d e ć i*

ZAKLJUČAK

1. Prima se k znanju Izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Akademiji scenskih umjetnosti za studijsku 2022/2023. godinu, utvrđena Odlukom Vijeća Univerziteta u Sarajevu – Akademije scenskih umjetnosti, broj: 02-1/250-II od 09. 05. 2023. godine.
2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Univerzitetu u Sarajevu – Akademiji scenskih umjetnosti
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-23-17/23

Sarajevo, 20. 06. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Fakulteta islamskih nauka o izmjeni i dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 03-03- -6. red. sjed. -561/23 od 07. 06. 2023. godine, Upravni odbor Univerziteta u Sarajevu je, na 16. redovnoj sjednici održanoj dana 20. 06. 2023. godine, donio *s l j e d e ć i*

ZAKLJUČAK

1. Prima se k znanju Izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Fakultetu islamskih nauka za studijsku 2022/2023. godinu, utvrđena Odlukom Vijeća Univerziteta u Sarajevu – Fakulteta islamskih nauka, broj: 03-03- -6. red. sjed. -561/23 od 07. 06. 2023. godine.
2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Univerzitetu u Sarajevu – Fakultetu islamskih nauka
- Ⓢ - Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**-UPRAVNI ODBOR-**

Broj: 02-23-18/23

Sarajevo, 20. 06. 2023. godine

Na osnovu člana 59., a u vezi sa članom 121. Zakona o visokom obrazovanju („Službene novine Kantona Sarajevo“, broj 36/22), člana 37. stav (2) Poslovnika o radu Upravnog odbora Univerziteta u Sarajevu, u vezi sa Odlukom Vijeća Univerziteta u Sarajevu – Muzičke akademije o dopuni Dinamičkog plana potreba za raspisivanje konkursa za izbor u zvanje u akademskoj 2022/2023. godine, broj: 02-1-429/5-23 od 31. 05. 2023. godine, Upravni odbor Univerziteta u Sarajevu je, na 16. redovnoj sjednici održanoj dana 20. 06. 2023. godine, donio *s l j e d e ć i*

ZAKLJUČAK

1. Prima se k znanju dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Muzičkoj akademiji za studijsku 2022/2023. godinu, utvrđena Odlukom Vijeća Univerziteta u Sarajevu – Muzičke akademije, broj: 02-1-429/5-23 od 31. 05. 2023. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

**PREDSJEDNIK
UPRAVNOG ODBORA****Dr. sc. Murat Ramadanović**

Dostaviti:

- Rektor Univerziteta u Sarajevu
- Univerzitetu u Sarajevu – Muzičkoj akademiji
- Predsjedniku i članovima Upravnog odbora Univerziteta u Sarajevu
- Generalnom sekretaru Univerziteta u Sarajevu
- Službi za ljudske resurse Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi